

DULCE M^a GARCÍA MELLA, SECRETARIA XERAL DA UNIVERSIDADE DE SANTIAGO DE COMPOSTELA,

CERTIFICA, antes da aprobación da acta correspondente, que o Consello de Goberno, na sesión ordinaria celebrada o 29 de marzo de 2019 aprobou o Calendario Académico do curso 2019-2020, nos termos do documento adxunto.

E para que así conste, asino a presente certificación en Santiago de Compostela, co V^o e Prace do sr. reitor.

V^o e prace

O reitor

Antonio López Díaz

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

**CALENDARIO ACADÉMICO DA UNIVERSIDADE DE
SANTIAGO DE COMPOSTELA PARA CURSO 2019-2020
(Aprobado polo Consello de Goberno o 29 de marzo de
2019)**

1. DISPOSICIÓNS XERAIS

O curso académico 2019-2020 organizarase en dous períodos académicos, e abarcará dende o día 1 de setembro de 2019 ao 31 de agosto de 2020. Non obstante o anterior, para os efectos de defensa de Traballos Fin de Grao e Fin de Máster e de realización de prácticas curriculares e extracurriculares o curso rematará o 30 de setembro de 2020.

O calendario será único para os estudos adaptados ao EEES.

O primeiro período para impartición de docencia iniciarase o día 9 de setembro de 2019 e rematará o 20 de decembro de 2019. Os másteres oficiais poderán retrasar o comezo do curso ata o 23 de setembro de 2019.

O segundo período para impartición de docencia iniciarase o día 28 de xaneiro de 2020 e rematará o día 15 de maio de 2020.

Con independencia da data de defensa, a entrega dos TFG/TFM para defender no mes de setembro farase tendo como data límite o 31 de xullo de 2020.

En consecuencia, os calendarios lectivo e de entrega de actas serán os seguintes:

PERÍODOS LECTIVOS

PRIMEIRO PERÍODO	INICIO	FIN
Período lectivo	09/09/2019	20/12/2019
Defensa TFM/TFG	03/02/2020	21/02/2020

SEGUNDO PERÍODO	INICIO	FIN
Período lectivo	28/01/2020	15/05/2020
Defensa TFM/TFG	22/06/2020	20/07/2020
Defensa TFM/TFG (setembro)	03/09/2020	18/09/2020

PERÍODOS DE APERTURA DE ACTAS

PRIMEIRO PERÍODO	INICIO	FIN
Apertura de actas	16/12/2019	07/02/2020
Apertura actas TFM/TFG (febreiro)	03/02/2020	06/03/2020

SEGUNDO PERÍODO	INICIO	FIN
Apertura de actas	15/05/2020	19/06/2020
Apertura actas TFM/TFG (xullo)	22/06/2020	28/07/2020

SEGUNDA OPORTUNIDADE (PRIMEIRO E SEGUNDO SEMESTRE)	INICIO	FIN
Apertura de actas	22/06/2020	24/07/2020

DEFENSA TFM/TFG (SETEMBRO)	INICIO	FIN
Apertura de actas	03/09/2020	28/09/2020

ACTAS CONSOLIDADAS	INICIO	FIN
Período de actas consolidadas	28/09/2020	09/10/2020

2. PERÍODOS DE CELEBRACIÓN DOS EXAMES

Cada centro, en función das súas características e/ou circunstancias, fixará o calendario de exames de cada oportunidade dentro do período de apertura das actas, incluso se non ten rematado o período lectivo fixado neste calendario, sempre que teña concluído a actividade lectiva programada da materia correspondente.

Terá que respectarse, en todo caso, o prazo de revisión das cualificacións provisionais.

Consonte o artigo 8.2 da *Normativa de avaliación do rendemento académico dos estudantes e de revisión de cualificacións*, aprobada no Consello de Goberno do 15 de xuño de 2011 e modificada no Pleno do 5 de abril de 2017, as datas de revisión deberán fixarse no prazo máximo de dez días dende a publicación dos resultados, e deberán garantirse dúas datas opcionais con horarios alternativos.

O último día para a publicación de dita lista será:

- a) Na primeira oportunidade do primeiro semestre o **31 de xaneiro de 2020**.
- b) Na primeira oportunidade do segundo semestre o **15 de xuño de 2020**.
- c) Na segunda oportunidade do primeiro e segundo semestre o **17 de xullo de 2020**.

3. CONVOCATORIA EXTRAORDINARIA DE FIN DE CARREIRA PARA GRAOS E MÁSTERES

As datas de realización dos exames da convocatoria extraordinaria de fin de carreira para as titulacións de Grao e Máster, así como a data límite de sinatura das actas, coincidirán coas previstas para a realización de exames e sinatura das actas do primeiro período.

4. PERÍODOS NON LECTIVOS

Serán períodos non lectivos o mes de agosto, os días festivos, e outros períodos de interrupción da actividade académica.

Os períodos de interrupción da actividade académica serán:

- a) dende o sábado 21 de decembro de 2019 ata o 7 de xaneiro de 2020 (ambos os dous incluídos);
- b) o luns e martes de Carnaval (24 e 25 de febreiro de 2020); e
- c) a Semana Santa (dende o 6 de abril ata o 10 de abril de 2020, ambos incluídos).

Terán carácter non lectivo, o luns 27 de xaneiro de 2020, día ao que se traslada a festividade de Santo Tomé de Aquino, e os días declarados festivos polo Estado, a Comunidade Autónoma e, en cada Campus, os correspondentes ás festas locais.

Tampouco serán lectivos para os Centros os días de celebración da súa festividade, que son os seguintes:

- 4 de outubro (S. Francisco de Asís). Facultade de Veterinaria
- 18 de outubro (S. Lucas). Facultade de Medicina e Odontoloxía (Medicina)
- 15 de novembro (S. Alberte Magno). Facultade de Bioloxía, Física, Matemáticas, Química e Ciencias
- 27 de novembro (S. Xosé de Calasanz). Facultade de Formación do Profesorado
- 8 de decembro (Inmaculada). Facultade de Farmacia
- 13 de decembro (Sta. Otilia). Facultade de Óptica e Optometría
- 23 de xaneiro (S. Raimundo de Peñafort). Facultade de Dereito
- 9 de febreiro (Sta. Apolonia). Facultade de Medicina e Odontoloxía (Odontoloxía)
- 24 de febreiro (Xoán Huarte de S. Xoán). Facultade de Psicoloxía
- 8 de marzo (S. Xoán de Deus). Facultade de Enfermería
- 9 de marzo (natalicio do Padre Sarmiento). Facultade de CC. da Educación
- 19 de marzo (San José). Facultade de Ciencias Políticas e Sociais.
- 5 de abril (S. Vicente Ferrer). Facultade de CC. Económicas e Empresariais e Fac. de Administración e Dirección de Empresas
- 15 de abril (natalicio de Leonardo da Vinci). Escola Técnica Superior de Enxeñaría
- 22 de abril (Día da Terra). Escola Politécnica Superior
- 26 de abril (S. Isidoro de Sevilla). Facultades de Filoloxía, Filosofía, Humanidades e Xeografía e Historia.
- 1 de maio (Día do Traballo). Facultade de Relacións Laborais
- 3 de maio (Día da Liberdade de Expresión). Facultade de Ciencias da Comunicación

Coa finalidade de aproveitar ao máximo os días lectivos, se ditas festividadeas coinciden en martes ou xoves, celebraranse o luns ou venres máis próximos, e se cadraran en mércores trasladaranse ao venres. As que coincidan en sábado, domingo ou festivo celebraranse o día lectivo anterior ou seguinte, a elección do centro.

5. ADAPTACIÓN DO CALENDARIO

Cada centro, en función das súas características e/ou circunstancias, poderá propoñer unha adaptación deste calendario que, en todo caso, terá que ser autorizada pola Secretaría Xeral da Universidade e deberá facerse pública no Centro e na páxina web da Secretaría Xeral.

Non será necesario solicitar autorización para fixar datas de realización de exames dentro dos períodos de apertura de actas.

Sinaturas dixitais / Firmas digitales / Digital signatures

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA, 04/04/2019 14:42:34.

Asinante/Firmante/Signer: DULCE MARIA GARCIA MELLA, SECRETARIA XERAL, UNIVERSIDAD DE SANTIAGO DE COMPOSTELA, 04/04/2019 14:37:32.

CSV: 5F4B-3F90-4FDD-84ED